

《大乘起信論導讀》 補充講表

◎附表二十四：糅合《大乘起信論講義》、《大乘起信論演義》、《大乘起信論述記》

○一者、行根本方便：謂觀一切法自性無生……以隨順法性無住故。

※《大乘起信論》裂網疏卷五云：「此即以所發正直心而為方便行也。不住生死，是奢摩

他觀；不住涅槃，是毘鉢舍那觀。止觀一心中修，乃順真如法性，故名行根本方便。」

○二者、能止方便：謂慚愧悔過，能止一切惡法……善根不退，以隨順法性離癡障故。

※《大乘起信論》裂網疏卷五云：「此二即以所發深重心而為方便行也。欲長善根，先須

息惡，故於一深重心，分此二種方便，皆為隨順真如性故。」

○四者、大願平等方便：所謂發願盡於未來，化度一切眾生……究竟寂滅故。

※《大乘起信論》裂網疏卷五云：「此即以所發大悲心而為方便行也。無餘涅槃者，小乘

則指灰身泯智言之，今指二死永亡言之。知一切法本性無二，則於眾生不起上中下想。知一切法彼此平等，則於眾生不起怨親等想。知一切法究竟寂滅，則於眾生不起用小化想，皆亦隨順真如性故。」

※《大乘起信論》裂網疏卷五云：「此四方便，並是稱性起修，全修顯性。未發心前，由此方便而得發心；既發心後，由此方便而階極果，故名一切如來得道正因也。」

○菩薩發是心故，則得少分見於法身。以見法身故……成道、轉法輪、入於涅槃。

※《大乘起信論》裂網疏卷五云：「即華嚴初發心時，便成正覺之義也。分破無明，分證真如，故云：少分見佛法身。既見法身，便能八相成道。所謂清淨妙法身。湛然應一切也。」

○然是菩薩，未名法身。以其過去無量世來，有漏之業……亦非業繫，以有大願自在力故。

※《大乘起信論》裂網疏卷五云：「此約漸教所明初發心住，僅斷界內見惑，與小乘初果齊，所以或猶有微苦也。然初果便為生死海而作邊際，極遲不過七生，永出苦輪，況發心菩薩菩提願力所持，豈久被業繫哉！」

問：玩文中然猶二字，即指八相成道之人，何得別作漸教釋之？

答：發心名同，權實迥異。前明八相，意指入正定聚者。今明微苦，意指或時退墮二乘地者故也。」